




Impi phakathi kwabantu nezinyoka

Tshepiso Mogaswa
Adonay Gebru





Kudala, kwakukhona insizwa igama layo
kwakunguMosimame.

Wayehlonipha kakhulu futhi ebathanda abantu.
Wayejwayele ukuyoziphumulela eduze nomfula.

Langa limbe, kwathi uMosimane ehlezi ngasemfuleni,
wabona inyoka.



“Sawubona wenyoka,” kusho uMosimane.

“Sawubona Mnumzane,” kuphendula inyoka.

Inyoka yatshela uMosimane ukuthi ingamenza abe yisicebi. Kuphela nje kwakufanele ayithwale ayibeke ekhanda ayise lapho ifuna ukuya khona.

Yayibukeka ithembekile.



UMosimane wayengumuntu onomusa. Wavuma ukuthwala inyoka ayibeke ekhanda.

Bawela umfula bobabili.



Bathi bangafika phesheya komfula, inyoka yacela ukuthi babe abangane, njengoba izinyoka zazingenabo abangane.

Wavumela phezulu uMosimane.

Endleleni bahlangana noMnumzane uMpisi.



“Sanibonani bantu bakithi,” kubingelela impisi.

“Sawubona Mnumzane uMpisi,” kuphendula uMosimane nenyoka kanyekanye.

“Nilibangisephi nina nobabili?” kubuza uMpisi.

“Silibangise lapho engifuna ukuya khona,” kuphendula inyoka. UMnumzane uMpisi wamangala.



“Ngabe uyakhokhelwa yini ngokuthwala leyo nyoka ekhanda lakho?” kubuza uMnumzane uMpisi kuMosimane.

UMosimane akazange athi phefu ngalokho inyoka eyayimthembise khona.

Wahamba nenyoka baqhubeka nohambo lwabo.



Besahamba uhambo lwabo olude bedukuza ehlathini, uMosimane wafikelwa ukukhathala.

Bahlangana noMalume uMpungushe ezihlalele eduze nesihlahla esasinomthunzi.

UMalume uMpungushe wabuka inyoka izisongele ekhanda lomuntu. Akazange akholwe yilokho ayekubona. Waqala wahleka.



Inyoka yamemeza uMalume uMpungushe yathi,
“Uhlekani wena Mpungushe? Awazi ukuthi ukuhlekana
kungadala ingxabano!”

“Mina nenyoka singabangane abakhulu!” kusho
uMosimane kuMalume uMpungushe.

UMalume uMpungushe wathi ukucabanga kancane.
Wase eqala ukukhulumela phansi.



“Awusuke ekhanda lami wenyoka ukuze ngilalele kahle uMalume uMpungushe,” kusho uMosimane.

Waqhubeka, “Wenyoka, ngikuthwale ngakuwelisa umfula. Ngokuthwale ngaze ngafika lapha. Iphi inkokhelo yami? Bengithi singabangane.”



UMalume uMpungushe wabuza wathi, “Awazi ukuthi izinyoka azithembekile?”

Inyoka yanele yabona ukuthi uMosimane usecasukile yavele yaphilikixela yangena ehlathini.

UMosimane wabuyela ekhaya wayotshela bonke abantu ngale nyoka.

Kuze kube namhlanje izinyoka azethenjwa muntu.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Impi phakathi kwabantu nezinyoka

Author/s: Tshepiso Mogaswa

Translator/s: Zanele Zuma

Illustrator/s: Adonay Gebru


Assurer/s: Zanele Ndlovu

Language: isiZulu



© Zenex Foundation - Saide 2023

CC BY includes the following elements:

BY  - Credit must be given to the creator

